

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
**Zakonodavno-pravna komisija**

Bosna i Hercegovina  
Federacija Bosne i Hercegovine  
**PAKLAJMENT FEDERACIJE**  
BANAJEVO

Prihvjeto: 18.02.2021

U tu jeft.	Broj	Prihvjet	Vrijednost

B 40X

Broj: 02/2-02-438/21  
Sarajevo, 18.02.2021. godine

Na osnovu člana 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine je, na drugoj sjednici održanoj 18.02.2021. godine razmatrao:

1. Prijedlog zaključka koji proizilazi iz Odluke Ustavnog suda Bosne i Hercegovine, broj: AP-3683/20 od 22.12.2020.godine,
2. Nacrt zakona o izmjenama i dopunama Zakona o prodaji stanova na kojima postoji stanarsko pravo,
3. Nacrt zakona o izmjenama i dopunama Zakona o principima lokalne samouprave u Federaciji Bosne i Hercegovine,
4. Nacrt zakona o poduzetničkoj infrastrukturi u Federaciji Bosne i Hercegovine.
5. Prijedlog zakona o Jedinstvenom registru taksi i naknada u Federaciji Bosne i Hercegovine – skraćeni postupak.

Na osnovu člana 51. stavak 1. Poslovnika o radu, Zakonodavno-pravna komisija podnosi Domu naroda sljedeće

### IZVJEŠTAJ

1. **Prijedlog zaključka koji proizilazi iz Odluke Ustavnog suda Bosne i Hercegovine, broj: AP-3683/20 od 22.12.2020.godine,**

Ustavni sud Bosne i Hercegovine u Velikom vijeću, u predmetu broj: AP 3683/20, rješavajući apelacije E.Š. i drugih, na sjednici održanoj 22.12.2020.godine, donio je Odluku o dopustivosti i meritumu kojom se djelimično usvaja apelacija gore navedenih apelanata, podnesene protiv Naredbe Kriznog štaba Federalnog ministarstva zdravstva od 09. novembra 2020.godine i Naredbe Kriznog štaba Ministarstva zdravstva Kantona Sarajevo, od 12. oktobra 2020.godine.

Utvrđuje se kršenje prava na „privatni život“ iz članka II/3.f) Ustava Bosne i Hercegovine i članka 8. Evropske konvencije za zaštitu ljudskih prava i osnovnih

sloboda, te prava na slobodu kretanja iz članka II/3.m) Ustava Bosne i Hercegovine i člank 2. Protokola broj 4 uz Evropsku konvenciju za zaštitu ljudskih prava i osnovnih sloboda.

Odbija se kao neosnovana apelacija u dijelu zahtjeva da se ukine Naredba Kriznog štaba Federalnog ministarstva zdravstva, broj: 01-33-6301/20 od 9. novembra 2020.godine i Naredba Kriznog štaba Ministarstva zdravstva Kantona Sarajevo od 12.10.2020.godine.

Na osnovu člana 72. stav (4) Pravila Ustavnog suda Bosne i Hercegovine, nalaže se Parlamentu Federacije Bosne i Hercegovine i Vladi Federacije Bosne i Hercegovine da odmah, a najkasnije u roku od 30 dana od dana prijema ove odluke, preduzme aktivnosti i uskladi svoje djelovanje sa standardima iz člana II/3.f) Ustava Bosne i Hercegovine i članka 8. Evropske konvencije za zaštitu ljudskih prava i osnovnih sloboda, te standardima iz člana II/3.m) Ustava Bosne i Hercegovine i članka 2. Protokola broj 4 uz Evropsku konvenciju za zaštitu ljudskih prava i osnovnih sloboda, kako su navedeni u ovoj odluci.

Na osnovu člana 72. stav (5) Pravila Ustavnog suda Bosne i Hercegovine, nalaže se Parlamentu Federacije Bosne i Hercegovine i Vladi F BiH da u narednom periodu od 15 dana od isteka roka iz stavka 3. dispozitiva ove odluke obavijesti Ustavni sud Bosne i Hercegovine o provođenju naloga iz stava 3 dispozitiva ove odluke.

Nakon uvodnog izlaganja vođena je rasprava u kojoj su učestvovali članovi Povjerenstva, nakon čega je donijet

## ZAKLJUČAK

Članovi Zakonodavno-pravne komisije podržavaju postupanje po zaključku Ustavnog suda Bosne i Hercegovine, broj: AP-3683/20.

### 2. Nacrt zakona o izmjenama i dopunama Zakona o prodaji stanova na kojima postoji stanarsko pravo

Ustavni osnov a donošenje ovog zakona sadržan je u članu III.1 tačka b) koji je izmijenjen amandmanima VIII, LXXXIX i CVI na Ustav Federacije Bosne i Hercegovine i članu IV.A.20. (1) d) Ustava Federacije BiH prema kojem je u isključivoj nadležnosti Federacije BiH utvrđivanje ekomske politike, uključujući planiranje i obnovu, te politika korištenja zemljišta na federalnom nivou, a Parlament Federacije, uz ostale ovlasti predviđene Ustavom, odgovoran je za donošenje zakona o obnašanju dužnosti federalne vlasti.

**Predstavnik predлагаča** upoznao je Zakonodavno-pravno povjerenstvo, kako slijedi:

Zaključkom Vlade Federacije Bosne i Hercegovine V.broj: 1000/17 od 13.07.2017.god. o stanju izvršavanja odluka Ustavnog suda Bosne i Hercegovine i Ustavnog suda Federacije Bosne i Hercegovine iz kojih

proizilaze obaveze izmjene zakonodavstva u određenoj oblasti, zadužena su federalna ministarstva da u okviru svojih nadležnosti hitno predlože izmjene zakona u skladu sa stavovima izraženim u odlukama.

Federalno ministarsvo prostornog uređenja je u postupku pripreme ovog zakonskog rješenja osiguralo saglasnost Predsjedništva Skupštine Saveza općia i gradova Federacije BiH koja je svojim aktom broj: 683/17 od 15.12.2017.god. dostavilo zaključke kojima ističe da postoji zakonski i ustavni osnov za izvršenje odluke domaćih i međunarodnih sudova te da Predsjedništvo Saveza podržava donošenje ovog zakona.

Pored navedene saglasnosti Skupštine Saveza Ministarstvu su dostavljena i mišljenja, odnosno prijedlozi i sugestije na dostavljeni tekst Zakona i pojedinih općina i gradova u Federaciji tj. Općine Breza, Bugojno, Kakanj, Bosanska Krupa, Sanski Most, Jajce, Grad Mostar, Ključ, Novo Sarajevo, Centar Sarajevo i Stari Grad Sarajevo, koje većinom izražavaju pozitivno mišljenje za donošenje ovako predloženih zakonskih rješenja.

Ministarstvo je uvažilo i najveći broj primjedaba i sugestija navedenih općina osim primjedbe Općine Novo Sarajevo i Stari Grad Sarajevo koje osporavaju član 1. Prednacrta Zakona.

Navedene općine su stava da nije sporan procenat sredstava koja se izdvajaju nego da Ministarstvo Prednacrtom Zakona zadire u imovinu jedinica lokalne samouprave, odnosno u pravo na odgovarajuće sopstvene izvore finansiranja.

Ministarstvo nije prihvatiло navedene tvrdnje kao osnovane obzirom da Presuda Ustavnog suda Federacije BiH, broj: U-3/15 od 11.04.2017.god. donešena iz razloga što prilikom donošenja Zakona nisu konsultirane jedinice lokalne samouprave na propisan način u pogledu metoda finansiranja kantonalnog fonda.

Kako navedenom presudom nije osporeno funkcionisanje stambenog fonda odnosno potreba za njegovim postojanjem to osigurava fondu određen procenat sredstava od prodaje stanova u kontinuitetu, a sve radi zadovoljavanja stambenih potreba kategorija iz Zakona kao što su članovi porodica pогinulih boraca, ratnih vojnih invalida itd.

Napominjen da je Ministarstvo smanjilo procenat sa 70 % za izdvajanje u Fond na 30 % za jedinice lokalne samouprave upravo vedeći računa da zaštiti njihovu imovinu i pravne interese na najbolji mogući način, a da istovremeno ne ugrozi funkciju stambenog fonda i samu opstojnost istog.

O predloženim rješenjima koja se odnose na prava bivših vlasnika stanova i nosilaca stanarskih prava na stanovima u svojini građana obavljena i javna rasprava sa svim zainteresovanim subjektima.

Članom 1. Nacrta Zakona se izvršava Presuda Ustavnog suda Federacije BiH, broj: U-3/15 od 11.04.2017.god. kojom je utvrđeno da je član 13 i 14. Zakona o vraćanju, dodjeli i prodaji stanova („Službene novine F BiH“, broj: 28/05 i 2/08) i članom 38. Zakona o prodaji stanova na kojima postoji stanarsko pravo („Službene novine Federacije BiH“, broj: 27/97, 11/98, 22/99, 27/99, 7/00, 32/01, 61/01, 15/02, 54/04, 36/06, 51/07, 72/08 i 23/09) povrijedeno pravo na lokalnu samoupravu Općine Stari Grad Sarajevo iz razloga što kako to Sud konstatuje nije izvršeno konsultiranje lokalne samouprave kod donošenja Zakona na propisan način sukladno sa Zakonom o načelima lokalne samouprave.

Ustavni sud Federacije BiH je stanovišta da se osporenim članom 38. Zakona o prodaji stanova na kojima postoji stanarsko pravo kojima je propisano da subjekti koji ostvare sredstva od prodaje stanova u skladu sa čl. 35,36 i 37. ovog zakona, 70 % sredstava usmjeravaju u Kantonalni fond za izgradnju stanova za članove porodica poginulih boraca, ratne vojne invalide, demobilizirane borce i prognane osobe, a bez predhodno pribavljeni i provedene konsultacije lokalne samouprave sukladno sa Zakonom o principima lokalne samouprave u Federaciji BiH („Službene novine Federacije BiH“, broj: 49/06).

Članom 2. Nacrta Zakona mijenja se člana 39 e na način da su stavovima (1), (2), i (3) regulisane pravne situacije u kojima se ostvaruje pravo na naknadu nosioca prava iz kupoprodajnog ugovora koji je zaključio pravno obavezujući ugovor o otkupu stana, a u svjetlu implementacije presude Ustavnog suda BiH, broj: U-15/11 od 30.03.2012.god. odnosno presude Evropskog suda za ljudska prava u predmetima Đokić protiv BiH od 27.05.2010.godine, Mago protiv BiH od 03.05.2012.god. i predmetima Mandić protiv BiH od 27.05.2014.god. Aleksić protiv Bosne i Hercegovine od 03.02.2015.godine, Stevančević protiv BiH od 02.02.2017.godine kao i drugih presuda Ustavnog suda BiH i Evropskog suda za ljudska prava.

Stavovi (4) i (5) ovog članka regulisane su pravne situacije u kojima se ostvaruje pravo na naknadu odnosno kad se to pravo isključuje nosiocu stanarskog prava ili njegovom bračnom drugu.

Za provođenje ovog zakona neophodno je obezbijediti cca 625 miliona KM na period od 10 godina, uz mogućnost sukcesivnog dodjeljivanja sredstava u skladu sa realnim mogućnostima budžeta.

Predstavnički dom Parlamenta Federacije BiH je na 12. redovnoj sjednici održanoj 23.06.2020. godine donio zaključak kojim Predstavnički dom prihvata Nacrt Zakona o izmjenama i dopunama Zakona o prodaji stanova na kojima postoji stanarsko pravo, te smatra da može poslužiti kao osnova za izradu Prijedloga zakona.

Zadužuje se predlagač da organizuje i provede javnu raspravu u trajanju od 60 dana. Zadužuje se predlagač da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

Nakon uvodnog izlaganja vođena je rasprava u kojoj su učestvovali članovi Povjerenstva, nakon čega je donijet

## **ZAKLJUČAK**

Članovi Komisije nakon obrazloženja predstavnika predlagača, vodili su objedinjeni pretres o Nacrtu Zakona o izmjenama i dopunama Zakona o prodaji stanova na kojima postoji stanarsko pravo i konstatovali da postoji ustavni i zakonski osnov za donošenje istog, te predlažu Domu naroda da usvoji Nacrt Zakona o izmjenama i dopunama Zakona o prodaji stanova na kojima postoji stanarsko pravo, u tekstu kako ga je predložio predlagač.

### **3. Nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine**

Ustavni osnov za donošenje ovog zakona sadržan je u članu IV. A.20 (1) d) Ustava Federacije Bosne i Hercegovine, koji, u okviru nadležnosti Parlamenta, predviđa donošenje zakona o vršenju funkcija federalne vlasti.

**Predstavnik predlagača** upoznao je Zakonodavno-pravno povjerenstvo, kako slijedi:

Postojeći Zakon predviđa uzajamnu mogućnost organa jedinica lokalne samouprave usmjerenu ka zahtjevu za preispitivanjem odluke odnosno akta za koji se smatra da je neustavan odnosno nezakonit. U slučaju nepostizanja istovjetnog stava na novou jedinice lokane samouprave predviđen je postupak preispitivanja pred nadležnim organom. Pri tome, nadležni organ nije preciziran čime je nastala pravna praznina koja je stvarala teškoće u dosadašnjoj primjeni Zakona. Stoga, razlog za donošenje ovog Zakona je u popuni te pravne praznine i stvaranje uslova za otklanjaje eventualnih blokada u radu organa jedinice lokalne.

Razlog za donošenje Zakona je izmjena odredbi koje se odnose na mjesne zajednice u cilju postizanja neophodnog minimuma jednoobraznosti na nivou Federacije Bosne i Hercegovine, te

preciznijeg definisanja organa mjesne zajednice, poslova koje obavljaju, ovlaštenih podnositaca inicijative za osnivanje mjesne zajednice, sadržine akata koji se odnose na rad mjesne zajednice kao i izvora finansijskih sredstava. Ovdje je i potreba uvođenja veće povezanosti mjesnih zajednica sa jedinicom lokalne samouprave što se želi postići formiranjem Kolegija mjesnih zajednica.

Razlog za donošenje je i u terminološkom usaglašavanju na mjestu gdje je neusaglašenost uočena.

Zakon je prezentiran na četiri radionice u saradnji i organizaciji Saveza općina i gradova F BiH na kojima su predstavnici jedinica lokalne samouprave upoznati sa pojedinim odredbama, te im je pružena mogućnost postavljanja pitanja, davanja komentara, primjedbi i sugestija. Većina njih je usvojena, a odbijeno je, primjerice, da se u članu 3. riječ „očuvanje“ zamjeni riječju „zaštita“ sa stanovišta da to ne donosi suštinsko poboljšanje. Isto tako, primjedba da se prelazne odredbe preciznije definišu nije usvojena, obzirom da smo stava kako je formulacija dovoljno precizna.

Članom 20. postojećeg Zakona predviđa uzajmnu mogućnost organa jedinica lokalne usmjerenu ka zahtjevu za preispitivanjem odluke odnosno akta za koji se smatra da je neustavan ili nezakonit. U slučaju nepostizaja istovjetnog stava na nivou jedinice lokalne samouprave predviđen je postupak preispitivanja pred nadležnim organom. Pri tome, nadležni organ nije definisan što je u dosadašnjoj primjeni Zakona stvaralo nedoumice. U cilju definisanja dodaje se članak 20a. sa predviđenim načinom postupanja (članak 20b) uz mogućnost, u krajnjoj instanci, sudske kontrole (članak 20c).

Član 24. mijenja se u pravcu uvođenja mjesne zajednice kao jedinog organizacionog oblika mjesne samouprave. Precizira se osnivanje mjesne zajednice odlukom vijeća jedinice lokalne samouprave. Proširen je krug zakonskih elemenata koje odluka o osnivanju mora sadržavati, uključujući postupak donošenja statuta mjesne zajednice, za koji su takođe određeni zakonski elementi.

Svrha izmjene člana 25. postojećeg Zakona je preciziranje poslova u kojima organi mjesne zajednice učestvuju, a ne odlučuju, pošto ni u jednom navedenom slučaju ne donose meritorne odluke. U tom pravcu su cilju preglednosti u dvije alineje razdvojeni urbanistički planovi i objekti u komunalnoj i općoj upotrebi.

U članu 26. stav 2 postojećeg Zakona, a koji se odnosi na određenje nosioca inicijative za osnivanje mjesne zajednice precizira se postotak od najmanje 20 % građana sa područja za koje se predlaže osnivanje

mjesne zajednice, odnosno 1/5 vijećnika i načelnika jedinice lokalne samouprave.

Dosadašnji član 27 je predvidio utvrđivanje prava i dužnosti mjesne zajednice statutom jedinice lokalne samouprave. U cilju postizanja potrebne unifikacije ta prava i dužnosti se sada okvirno utvrđuju Zakonom.

Članom 28 a. uvodi se Kolegij mjesne zajednice kao konsultativno tijelo koje predstavlja sponu između jedinice lokalne samouprave i pripadajućih joj mjesnih zajednica. Sastoji se od predsjednika savjeta, uz obavezu sazivanja dva puta godišnje i sa mogućnošću podnošenja inicijativa i postavljanja pitanja u rangu vijećničkog pitanja.

Za realizaciju ovog Zakona nisu potrebna dodatna finansijska sredstva. Jedino je potrebno da jedinice lokalne samouprave u svojim budžetima sredstva namjenjena za rad mjesnih zajednica ravnomjerno rasporede na sve sve postojeće na svom području. Kolegij mjesnih zajednica jesti novi organ, ali u njegovom sastavu su predsjednici savjeta koji, po tom osnovu, eventualno primaju naknadu.

Predstavnički dom Federacije BiH je na 16. redovnoj sjednici odrzanoj 02.12.2020.god. razmatrao Nacrt Zakona o izmjenama i, dopunama Zakona o principima lokalne iurouprur" u Federaciji BiH, te je usvojio sljedeći zaključak: 1. Predstavnički dom Parlamenta FBiH prihvata Nacrt Zakona o izmjenama i dopunama Zakona o principima lokalne samouprave u Federaciji BiH, te smatra da može poslužiti kao osnova za izradu Prijedloga Zakona. Zadužuje se predlagač da organizuje i provede javnu raspravu u trajanju od 30 dana. Zadužuje se predlagač da prilikom izrade Prijedloga Zakona uzme u obzir sve prijedloge, primjedbe I sugestije iznesene u raspravi, kao i one koje su dostavljene ili će biti dostavljene u pisanim oblicima.

Nakon uvodnog izlaganja vođena je rasprava u kojoj su učestvovali članovi Zakonodavno-pravne komisije, nakon čega su jednoglasno donijeli

## **Z A K L J U Č A K**

Članovi Komisije nakon obrazloženja predstavnika predlagača, vodili su objedinjeni pretres o Nacrtu Zakona o izmjenama i dopunama Zakona o principima lokalne samouprave i konstatovali da postoji ustavni i zakonski osnov za donošenje istog, te predlažu Domu naroda da usvoji Nacrt Zakona o izmjenama i dopunama Zakona o principima lokalne samouprave, u tekstu kako ga je predložio predlagač.

#### **4.Nacrt zakona o poduzetničkoj infrastrukturi u Federaciji Bosne i Hercegovine**

Ustavni osnov za donošenje ovog zakona sadržan je u odredbi člana III.1 tačka d) Ustava Federacije Bosne i Hercegovine („Službene novine Federacije BiH“, broj: 1/94), prema kojem je u isključivoj nadležnosti Federacije Bosne i Hercegovine utvrđivanje ekonomske politike, uključujući planiranje i obnovu te politike korištenja zemljišta na federalnom nivou.

**Predstavnik predлагаča**, upoznao je Zakonodavno-pravnu komisiju, kako slijedi:

Uvažavajući značaj i potrebu unapređenja regulatornog okvira u oblasti poduzetničke infrastrukture, Federalno ministarstvo razvoja, poduzetništva i obrta je, uz podršku Projekta lokalnog integrisanog razvoja koji je finansirala Evropska Unija i proveo Razvojni program Ujedinjenih naroda započelo aktivnosti na izradi Prednacrta Zakona o poduzetničkoj infrastrukturi u Federaciji Bosne i Hercegovine.

Izrada Prednacrta Zakona o poduzetničkoj infrastrukturi u Federaciji pristupilo se nakon analize stanja na tržištu i sagledavanja problema vezanih za adekvatno uređenje i poticanje razvoja poduzetničke infrastrukture na teritoriju Federacije.

Poštujući obavezu sadržanu u Glavi VII, člana 76. te Glavi VIII, člana 94. Sporazuma o stabilizaciji i pridruživanju, obrađivač je prilikom pripreme prednacrta zakona detalno analizirao EU propise iz ove oblasti, te je utvrđeno da se oblast preduzetničke infrastrukture uređuje isključivo na nivou domaćeg zakonodavstva te je s tim u vezi pripremljen tekst Prednacrta Zakona.

Predstavnički dom Parlamenta F BiH je na 16. redovnoj sjednici održanoj 02.12.2020.godine, razmatrao Nacrt Zakona o poduzetničkoj infrastrukturi u Federaciji, te je usvoji zaključak: Predstavnički dom Parlamenta F BiH prihvata Nacrt Zakona o poduzetničkoj infrastrukturi u Federaciji BiH, te smatra da može poslužiti kao osnova za izradu Prijedloga Zakona.

Zadužuje se predagač da organizuje i provede javnu raspravu u trajanju od 30 dana.

Zadužuje se predagač da prilikom izrade Prijedloga Zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanim obliku.

Nakon uvodnog izlaganja vođena je diskusija, nakon čega je Odbor za pravdu, opću upravu i lokalnu samoupravu jednoglasno donio

**Z A K L J U Č A K**

Članovi Komisije nakon obrazloženja predstavnika predлагаča, vodili su objedinjeni pretres o poduzetničkoj infrastrukturi u Federaciji Bosne i Hercegovin i konstatovali da postoji ustavni i zakonski osnov za donošenje istog, te predlažu Domu naroda da usvoji Nacrt Zakona o poduzetničkoj infrastrukturi, u tekstu kako ga je predložio predлагаč.

### **5.Prijedlog zakona o Jedinstvenom registru taksi i naknada u Federaciji Bosne i Hercegovine – skraćeni postupak**

Ustavni osnov za donošenje ovog zakona sadržan je u članu III.1. tačka c), koji je izmijenjen Amandmanima VIII, LXXXIX i CVI, i članu IV.A.20.(1) j) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona kojima se razrezuje porez ili na drugi način osigurava potrebno finansiranje.

Odredbama člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se da kada nije u pitanju složen i obiman zakon, podnositelj prijedloga zakona može umjesto nacrta podnijeti prijedlog zakona i predložiti da se prijedlog zakona pretresa po skraćenom postupku bez nacrta zakona. Također, u članu 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) propisuje se kada je to programom rada Doma naroda predviđeno ili kada nije u pitanju složen i obiman zakon, podnositelj prijedloga zakona može umjesto nacrta podnijeti prijedlog zakona i predložiti da se prijedlog zakona raspravlja po skraćenom postupku bez nacrta zakona. S obzirom da se predloženim zakonom samo uspostavlja Jedinstveni registar taksi i naknada u Federaciji Bosne i Hercegovine koji predstavlja elektronsku bazu podataka u kojoj se prikupljaju, unose i pohranjuju podaci o taksama i naknadama u Federaciji Bosne i Hercegovine koji se kao javni prihodi prikupljanju po federalnim ili kantonalnim propisima, te propisima jedinica lokalne samouprave, zakon nije obiman i složen, te ispunjava kriterije propisane članom 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i članom 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) da se razmatra po skraćenom postupku.

Odredbama člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se da kada nije u pitanju složen i obiman zakon, podnositelj

prijedloga zakona može umjesto nacrta podnijeti prijedlog zakona i predložiti da se prijedlog zakona pretresa po skraćenom postupku bez nacrta zakona. Također, u članu 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) propisuje se kada je to programom rada Doma naroda predviđeno ili kada nije u pitanju složen i obiman zakon, podnositelj prijedloga zakona može umjesto nacrta podnijeti prijedlog zakona i predložiti da se prijedlog zakona raspravlja po skraćenom postupku bez nacrta zakona. S obzirom da se predloženim zakonom samo uspostavlja Jedinstveni registar taksi i naknada u Federaciji Bosne i Hercegovine koji predstavlja elektronsku bazu podataka u kojoj se prikupljaju, unose i pohranjuju podaci o taksama i naknadama u Federaciji Bosne i Hercegovine koji se kao javni prihodi prikupljanju po federalnim ili kantonalnim propisima, te propisima jedinica lokalne samouprave, zakon nije obiman i složen, te ispunjava kriterije propisane članom 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i članom 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) da se razmatra po skraćenom postupku.

### **Z A K L J U Č A K**

Članovi Komisije nakon obrazloženja predstavnika predлагаča, vodili su objedinjeni pretres o Prijedlogu zakona o Jedinstvenom registru taksi i naknada u Federaciji Bosne i Hercegovine i konstatovali da postoji ustavni i zakonski osnov za donošenje istog, te predlažu Domu naroda da usvoji Prijedlog Zakona o Jedinstvenom registru taksi i naknada u Federaciji Bosne i Hercegovine – skraćeni postupak.

**Za izvjestioca na sjednici Doma naroda ispred Zakonodavno – pravnog povjerenstva, određena je gđa Zdenka Džambas, zamjenik Predsjednika.**

### **ZAMJENIK PREDSJEDNIKA**

---

**Zdenka Džambas s.r.**